


# KOMMUNIMUT PILERSAARUMMUT TAPILIUSSAQ 2B4-1 Inuussutissarsiateqarfik Qeqertat/Fyrø, Nuuk

Februaari 2018



KOMMUNEQARFIK SERMERSOOQ  
Sanarfinermut Avatangiiisullu Ingerlatsivik  
Forvaltning for Anlæg og Miljø

### **Kommunimut pilersaarummut tapiliusseq sunaava?**

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinisseq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

### **Tamanut nalunaarut**

Kommunimut pilersaarummut tapiliusseq 2B4-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq  
Sanarfinermut Avatangiisinullu Ingerlatsivik  
Postboks 1005  
3900 Nuuk**

### **Pilersaarut sumi atuarneqarsinnaava?**

Pilersaarut Nunatta Atuagaateqarfiani imaluunniit kommunip nittartagaani [www.sermersooq.gl-imi](http://www.sermersooq.gl-imi) atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**


<b>1</b>	<b>NASSUIAAT</b>	<b>4</b>
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	5
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII	6
<b>2</b>	<b>AALAJANGERSAKKAT</b>	<b>8</b>
2.1	PINGAARNERTUT AALAJANGERSAKKAT	8
2.2	AALAJANGERSAKKAT SUKUMIISUT	10
<b>3</b>	<b>AKUERSINERMUT UPPERNARSAAT</b>	<b>14</b>
<b>4</b>	<b>ASSI ILANNGUSSAQ</b>	<b>15</b>

# 1 NASSUIAAT

Una tapiliusseq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

## 1.1 PILERSAARUSIORFIK

Immikkoortoq umiarsualiveqarfissap kujataaniippoq. Qeqertaq avalleq (Fyrø) qaarsuuvooq sanaartorfiunngitsoq immamit 20 m miss. qatsissusilik, kisianni kimmur nunniornernanut atatillugu qaartitigaavoq. Imaq tamassuma akornaniittoq itivallaangitsuuvoq immerneqarsinnaallunilu. Qeqertat illoqarfiup ilaanit Nuussuarmiit, Fiskerbymit, Imapik ikaarlugu umiarsuarnut umiarsualivimmit Qinngutsinniillu isikkiviupput.



### Ilisarnaatinut nassuiaatit

Immikkoortup ilaa pioereersoq	Inissiaqarfik A	Nunaminertaq sanaartorfigeqqusaanngitsoq D
Immikkoortup ilaa nutaaq	Siliffeqarfik B	Teknikkikut atororissaarutit kiisalu attaveqaatitigut atororissaarutit E
Inissiat/illut pioereersut	Illoqarfiup qeqqa C	

*Pioereersunut killigitat immikkoortullu ilaa nutaaq titarnernik aappaluttunik ilisarnaateqarput.*

Kommunimut pilersaarummut tapiliusaaq Kommuneqarfik Sermersuumut Kommunimut pilersaarut 2028-mut, ilutsini pingaarnerni ataatsimoorussassatut siunertatut isikkoqartunut, qiterisaqarfittut siunertanut atugassiissutigineqartoq ilaatinneqarpoq, qulaaniittoq assi takuuk.

Kommunimut tapiliusaaq una atorlugu immikkoortup ilaa nutaaq pilersinneqarpoq, immikkoortulli inuussutissarsiornermut siunertaqartumik atorneqarnissaa aalajangiusimaneqarluni.

## 1.2 SIUNERTAA TUNNGAVILU

Immikkoortoq Nuummi, illoqarfiup ilaani Nuussuarmi inissisimavoq, inuussutissarsiateqarfissatut umiarsualiveqarfissatullu piukkunneqarluni. Sumiiffiup avannaani kitaanilu imarpik ikaarlugu umiarsuarnut talittarfiliornermut atatillugu imaq immingaatsiarneqarnikuuvoq.

Kommunimut pilersaarummut tapiliusaaq suliarineqarpoq tunisassiorfinnik pilersitsisoqarnissaa periarfissinniarlugu, sanaartorneqalersussanullu atugassanik nunaminertanik sullissiveqarfissanik immikkoortitsisoqarnissaa siunertarlugu.

Kommunimut pilersaarummut tapiliussami tunngaviit tassaapput:

- Umiarsualiveqarfiup siunissami annertusarneqarnera ataqatigiinneqassasoq.
- Immikkoortup inuussutissarsiutinut talittarfeqarnermullu atorneqarnissaa aalajangersassallugu.
- Umiarsualiveqarfimmut attuumassutilinnik inuussutissarsiateqarfinnik sullissiveqarfinnillu pilersitsinissamut inniminniisoqassasoq.
- Tunisassiorfinnik pilersitsinissamut sanaartornersuaqarnissaanullu sullissiveqarfiliornissamut periarfissiisoqassasoq.
- Immikkoortoq avatangiisai eqqarsaatigalugit umiarsuillu containerinik usisut talittarfiat nutaaq eqqarsaatigalugu atorneqassasoq.
- Immikkoortup Qeqertanut aqquteqarnissaa qulakkeerneqassasoq, nunap assinga 3B4 innersuussutigalugu.

## 1.3 PISSUTSIT ATUUTTUT

Immikkoortup ilaa katillugu 22,1 ha-nik annertussuseqarpoq. Immikkoortoq kujammut qatsissuseq 20 missaani qaarsuuvoq, avannaatungaali imaalluni.

Immikkoortoq ullumikkut sanaartorfiunngilaq pinngortitaassutsimisulli isikkoqarluni. Sumiiffiit avataatungaaniittut talittarfittut umiarsualiveqarfissatullu, allaffeqarfittut, quersuarnut umiarsualivimmullu tunngasunut allanut soorlu iluarsaasarfinnut, illorsuarnut inaalitsivinnullu inniminnigaapput.

Borgmester Anniitap Aqqusernata Pukuffiullu akornanni aamma Qeqertanut akornanni ikaartarfiliisoqassaaq, Nuup sinneranut pingaarnertut aqqusineqartinnissaa qulakkeerniarlugu.

#### **1.4 PILERSAARUMMI PINGAARNERIT**

Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiuqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluarsaassisarfeqarfissatut, tunisassiorfissatut, inaaltsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasoqassaaq, kiisalu illorsuit assigisaallu umiarsualiveqarnermut tunngasut tamaaniissapput . Aamma tunisassiorfiliortoqarsinnaavoq, sanaartornermi tunisassiornermi illuliassanik katiterinermilu suliaqarfissamik..

Imaani periarfissat nunap assingani 2B4-mi takutinneqartut immerneqarsinnaapput inuussutissarsiuqarfittullu atorneqarlutik.

Immikkoortumi nutaanik illuliortoqarnissaanut periarfissiisoqassaaq, inuussutissarsiuqarfinnik assigiinngitsunik suliffeqarfinnillu umiarsualiveqarnermut tunngasunik nunaminertami 125.000 m<sup>2</sup> tungaanut annertussusilimmi, 20 m tikillugu qatsissusilimmi.

#### **1.5 PILERSAARUMMUT TAPILIUSSAP INATSISITIGUT ATUUFFII**

##### **Inaarutaasumik inatsisitigut sunniutit**

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusernermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnertit aamma aalajangersakkanit pingaarnertit nikingasoornerit pissutigalugit nutaanik kommunimut pilersaarummut tapiliussaliortoqassaaq. (*Pilersaarusernermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutilu pilersaarummi ilaatinneqartut, pilersinneqassasut.




## 2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusukkut allannguutitalik naapertorlugu aalajangersakkat tullingguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

### 2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inuussutissarsiornermut umiarsualiveqarnermullu siunertaq	<p><b>Nalinginnaasumik atuuffia: B –</b> Inuussutissarsiornermut umiarsualiveqarnermullu siunertaq</p> <p><b>Nalinginnaasumik atuuffia: B2 –</b> Inuussutissarsiornermut umiarsualiveqarnermullu siunertaq</p>



<b>2. Atorneqarnera</b>	
Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiateqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluarsaassisarfissamut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasoqassaaq, kiisalu illorsuit assigisaallu umiarsualiveqarnermut tunngasut tamaaniissapput Imartaa kisartarfittut pituttarfittullu atorneqassaaq.	Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiateqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluasaassisarfeqarfissatut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasoqassaaq, kiisalu illorsuit assigisaallu umiarsualiveqarnermut tunngasut tamaaniissapput Aamma tunisassiorfiliortoqarsinnaavoq, sanaartornermi illuliassanik tunisassiornermik katitterinermillu suliaqarfissamik.. Imartaa kisartarfittut pituttarfittullu atorneqassaaq.
<b>3. Sanaartukkat</b>	
Sanaartornermi annerpaamik 32,5 m portussuserineqassaaq.	Sanaartornermi annerpaamik 32,5 m portussuserineqassaaq.
<b>4. Inissaqassuseq</b>	
Immikkoortoq inissianut 142.500 m <sup>2</sup> -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.	Immikkoortup ilaa 22,1 ha-it missaannik annertussuseqarpoq. Immikkoortoq inissianut 125.000 m <sup>2</sup> -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfineqareersutut sinneruttunillu inissaqartitsiffiunngitsutut isigineqalissaaq.
<b>5. Eriagisariaqartut</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>6. Nunaminertat piumasaaqatitaqarfiusut</b>	
Narlorissumik aammalu suluunnartut ilusilimmik mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut	Narlorissumik aammalu suluunnartut ilusilimmik mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq tassaalluni nallarissoq akornutitaqartussaangitsoq tassani sanaartukkat

aqqusinniornissamullu portussutsit portunerpaaffigisassaat assigiinngiiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq. Qaartiterutissaasivimmut isumannaallisaanermut killeqarfeqarfimmut sumiiffik ilaavoq. Immikkoortumi 15 meterit iluanni ungaluusunik innaallagialinnik autoværninik saviminiusunik imaluunniit innaallagialinnik allanik ikkussisoqaaqusaanngilaq.	aamma atortussaasiviit nunap immamit qatsinnerussusia 127,5 qaangerlugu sanaartortoqaqqaanngilaq aamma aqquserngit nunap immamit qatsinnerussusia 121,5 qaangerlugu sanaartortoqaqqaanani.
<b>7. Aqqusinertigut angallaneq teknikkikkullu pilersuinerit</b>	
Immikkoortoq Qeqertanut aamma Borgmester Anniitap Aqqusernganit aqquteqassaaq.	Sumiiffik Qeqertanut-nit aqqusineqarpoq.
<b>8. Illoqarfimmik nutarterineq</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
<b>9. Immikkoortukkuutaat</b>	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

## 2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

<b>Immikkuualuttoq 1</b>
<b>1. Inissialiat inissinneqarnerat</b>
<b>Imm. 1:</b> Sanaartukkat inissialiallu nutaat assimi ilanngussami 2B4-mi sanaartorfittut takutinneqartutut inissinneqassapput.
<b>Imm. 2:</b> Nutaamik sanaartugaq annerpaamik 20 meterinik portussuseqarsinnaavoq: Teknikkikkut ikkussugassat soorlu silaannarissarfiit, elevatorit assigisaallu portussusissamat killiliinermut ilaanngillat.
<b>2. Inissialiat isikkui</b>
<b>Imm. 1:</b> Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput.
<b>Imm. 2:</b> Sanaartugassaq nutaaq atortussat uku taaneqartut atorlugit sanaartorneqassaaq: Qisuk, savimineq, ujaqqat, betonni, eternit imaluunniit pladitut atortut. Illutaasa silataannut mikinerusunut igalaat atornerqarsinnaapput. Inissiat silataat asingasumik qalipaateqassaaq, qinngorfingineqarnerminnilu

<p>qaamanermik utersaartitsisartuussanatik.</p> <p><b>Imm. 3:</b> Seqernup qinngorneranik katersisunik assigisaannillu silataani iigartai qaliaaluunniit pilersorneqarsinnaapput, taamaaliortoqassaarlu aatsaat qinngornernik utertitsinnaasuunngippata.</p> <p><b>Imm. 4:</b> Sanaartukkat nutaat qaliaasa ilusilersorneqarneri illuttut illuinnaanulluunniit sivingasuussapput (sivingassusaat annerpaamik 45 gradit).</p> <p><b>Imm. 5:</b> Qaliai taartunik qalissialersorneqassapput. Qaliai igalaaqassappata assigisaannilluunniit, qaliaasa inissisimaneranut naleqquttuussapput.</p> <p><b>Imm. 6:</b> Sumiiffimmi ingerlatsinermut pisariaqartinneqarsinnaasunik allagartaliisoqarsinnaavoq. Allagartat sumiiffimmi atuuffiit avatangiisillu eqqarsaatigalugit inissinneqarlutillu ilusilersorneqassapput.</p>
<p><b>3. Aqquserngit aqqusineeqqallu</b></p>
<p><b>Imm. 1:</b> Qeqertanut-nit aqquteqassaaq, assi ilanngussaq 2B4 tunngaviusoq takuuk.</p> <p><b>Imm. 2:</b> Immikkoortumi kommunitum pilersaarummi aalajangersakkat nalinginnaasut naapertorlugit biilinet inissiisarfiliortoqassaaq. Suliffissuarnik sannavinnillu sanaartornermi: 50 m<sup>2</sup>-ikkaarlugit biilinet inissiivik ataaseq.</p> <p>Ataatsimut biilinet unittarfiliornermut tunngatillugu elbiilinet immiisarfissanik nappaasoqarnissaa periarfissaqassaaq.</p> <p><b>Imm. 3:</b> Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 12,0 meterinik qaninnerusumik aqqusernermut atalersumut, immikkoortullu ilaanut aqqusernup qeqqanit 7,5 meterinik qaninnerusumut aqquserineqalersunut inissinneqassanngillat.</p>
<p><b>4. Nunaminertat sanaartorfigineqanngitsut sunngiffimmilu atortulersuutit</b></p>
<p><i>Immikkut ittunik aalajangersagaqanngilaq</i></p>
<p><b>5. Teknikkimut atortulersuutit</b></p>
<p><b>Imm. 1:</b> Inissialiat nutaat pisortat innaallagissamut imermullu aqputaataannut aamma kuuffissuaataannut attavilerneqassapput.</p> <p><b>Imm. 2:</b> Imikoq qasertoq qernertorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p><b>Imm. 3:</b> Pilersuinnermut aqputit tamarmik nunap iluatigoortinneqassapput. Ledninginik inuup allap allangortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p><b>Imm. 4:</b> Immikkoortup ilaanut teknikkikkut atortulersuutit soorlu sakkortusaaviit assigisaalu immikkoortup ilaanut pilersuinnermut atortut inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinningsumut inissinneqassapput.</p>
<p><b>6. Nunaminertat sanaartorfigineqanngitsut</b></p>
<p><b>Imm. 1:</b> Illuliat nutaat sapinngisamik nuna allangortinnagu naleqqussarneqassapput. Teknikkikkut imminut illersorinnaasumik illuliornissaaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p>

<p><b>Imm. 2:</b> Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.</p> <p><b>Imm. 3:</b> Immikkoortup ilaani naasut pioreersut sapinngisamik paariinneqassapput aammalu ajornanngippat inaalinneqassallutik, taamaallutik sanaartortoqareerpat ilusaattut ilerseqqinneqarsinnaaniassammata.</p> <p><b>Imm. 4:</b> Immikkoortup ilaa qaartiternerlukoqarpat qaartiterinermi assartuinermiluunniit siammarsimasinnaasunik salinneqassaaq.</p> <p><b>Imm. 5:</b> Nunaminertat sanaartorfigineqanngitsut saligaatsuutinneqassapput eqqiluutsuutinneqarlutillu.</p>
<b>7. Eriagisassaaq</b>
<i>Immikkut ittunik aalajangersagaqanngilaq</i>
<b>8. Pinngortitap illersorneqarnissaanik soqutiginninnerit</b>
<i>Immikkut ittunik aalajangersagaqanngilaq</i>
<b>9. Nunaleraluni nunamik atuinissamik soqutiginninnerit</b>
<i>Immikkut ittunik aalajangersagaqanngilaq</i>
<b>10. Ataatsimut atortulersuutit</b>
<b>Imm. 1:</b> Immikkoortumi 3.2-mi biilnut inissiisarfiliornissat pillugit aalajangersakkat takukkit.
<b>11. Piginnittut peqatigiiffii</b>
<p><b>Imm. 1:</b> Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiuutillit illuutaat immikkoortullu ilaani atuuffiit allat ilaasortaasussaataapput (amma piginneqatigiilluni inissiaatileqatigiit).</p> <p><b>Imm. 2:</b> Peqatigiiffiup aqquserngit, aqqusineeqqat sanaartorfiunngitsullu isumagissavaat - tassunga atatillugu amma ukiuunerani aserfallatsaaliinissaaq - immikkoortumi sanaartorfiusumut attuumassutillit.</p> <p><b>Imm. 3:</b> Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu</p> <p><b>Imm. 4:</b> Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.</p>
<b>12. Avatangiisinik mingutsitsinermi killissarititaasut</b>
<p><b>Imm. 1:</b> Immikkoortumi suliffeqarfik immikkut akuerisaamik mingutsitsisinnaavoq. Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarneranni (Kapitali 5-suliffeqarfiit) naapertorlugu suliffeqarfik immikkut akuerisaalluni avatangiisinut tunngatillugu qinnuteqarsinnaavoq.</p> <p><b>Imm. 2:</b> Inuussutissarsiuqarfigineqarfinnut allanut, putsumik, nipiliornermik, pujoralammik tipiliornermillu akornuteqarnerit killilersimaarniarlugit aalajangersaasoqassaaq.</p> <p><b>Imm. 3:</b> Imartami nunamilu taamaallaat uumassusilinnit atortut atortullu mingutsitsisinnaanngitsut nunniornermut atorineqarsinnaapput. Nunniukkamut immiissutissaaq assersuutigalugu betonimik akoqarpat, oqartussaasunut attuumassuteqartunut akuersissummik piniartoqassaaq.</p>

<p><b>Imm. 4:</b> Immikkoortup ilaani eqqaavinnut eqqakkanut atugassanik inssiiffissanik nunaminertanik inniminniisoqassaaq.</p>
<p><b>13. Illut nukissiuutinik atuinikitsut</b></p>
<p><i>Immikkut ittunik aalajangersagaqanngilaq</i></p>
<p><b>14. Atuinissamut piumasaqaatit</b></p>
<p><b>Imm. 1:</b> Sanaartukkat nutaat aatsaat tulliuttut naammassineqarpata iserterfigineqarsinnaanngussapput:</p> <ul style="list-style-type: none"> <li>• immikkoortoq 3 naapertorlugu biilnut inssiisarfeqalerpat.</li> <li>• pisortat pilersuutaannut attavilernerit pereerpata.</li> <li>• inaarutaasumik nunagissaanerit naammassineqarpata.</li> </ul> <p>Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>


### 3 AKUERSINERMUT UPPERNARSAAT

Kommunit pilersaarummut tapiliusseq una 2B4-1 Inuussutissarsiateqarfik Qeqertat/Fyrø, Nuuk, matumuuna Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup  
Borgmesteri



Lars Møller Sørensen  
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ  
Sanarfinermut Avatangisinnullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 2B4-I  
Kommuneplantillæg 2B4-I

Ilanngussaq I, Immikkoortoq 2B4  
Bilag I, Delområde 2B4  
Februaari 2018 / Februar 2018  
Utuut I: 6000 / Mål I: 6000  
A4